



*Senin, 13 September 2021*  
**Ogen: 1 Samuel 2:27-30**



Lampas Persingeti Anakmu



**K**ai nge kado si mehergana ras kai nge warisen si mbelinna si patut si bereken man anakta? Megati bingung kita mereken hadiah man anakta si erulang tahun, sabap ateta la kentsik ngenca banci pakena barang si ibereken kita e. Tapi kai kin nge ndia pemere si mehergana? Labo erta, kebayaken, barang mewah, tapi kata ajar ras pedah si jadi pedoman geluhna. E banci ndekah ras maka kejuah-juahen bas geluhna. Tapi adi la kita nggit mereken kata ajar ras pedah e, uga buena pe erta ras jagona pemetehna labo banci mabai anakta ndai sikap kegeluhenna.

Bageme Imam Eli rate mesui pudi metua ngidah lagu langkah anak-anakna, si Hofni ras Pinehas. Nembeh ate Tuhan sabap lit bas keluarga e dosa kerangapen, ibuat anak-anak Eli persembahen tutungen si biak man Tuhan, perban ntabeh akapna. Tapi sinik bapana ngidah si e. Jile-jile Eli kap man anak-anakna piah anakna ndai lanai mbiar man Tuhan. Uga nina anak-anakna e mpehaga Dibata adi Eli pe hagan akapna anakna asangen Tuhan, alu la mpersingeti anakna sanga erbahan dosa, rate-ate nandangi dahin Rumah Pertoton, ngelanggar erbagebage peraturan imam bagepe i bas anakna erlagu la mehuli alu erlua-lua i bas dalam ku ku Rumah Pertoton. Pudi metua ras lanai ergegeh maka ipersingetina anakna. Sementara nggo nyaman akap anak-anakna perban selama enda la merawa bapa atena. Lanai bo lit dalam robah.

Lampaslah si persingeti anaknta. Uga ateta anakta, tergantung bibit si apai si isuanen ras ipupuki kita alu ncidahken pengajaren ras contoh si payo. Adi ateta ia jadi kalak si erguna ras ipasu-pasu Tuhan geluhna, tugasta persingeti ia mehamat man Tuhan kitik-kitikna nari. Ola murah bosan, megenggenglah amin pe tempa ia erlawan. Sada paksa pagi gejabna, payo kap kata nandeku, atena. Kata ajar ras pedah eme tinadingta si mehergana.